

Nefndasvið Alþingis
Atvinnuveganefnd
Austurstræti 8-10
150 Reykjavík



Reykjavík 25. maí 2016

Efni: Frumvarp til laga um breytingu á lög um nr. 50/1988, um virðisaukaskatt, (veltumörk skattskyldu og fjárhæðarmörk uppgjörstímabila), mál 758.

Samtök ferðapjónustunnar hafa fengið ofangreint frumvarp til umsagnar og vilja koma eftirfarandi á framfæri:

Samtökin hafa ekki efnislegar athugasemdir við þær tillögur sem fram koma í frumvarpinu og telja eðlilegt að veltumörk og fjárhæðarmörk séu endurskoðuð reglulega með tilliti til þróunar og vaxtar.

Í frumvarpi til laga um breytingu á lögum um veitingastaði, gististaði og skemmtanahald (457. mál) er í nefndaráliti gert ráð fyrir að hámarksvelta heimagistingar geti numið allt að 2 milljónum. Í 4. grein laga 87/2011 um gistináttagjald er kveðið á um að þeir sem eru undir veltumörkum vsk. séu undanþegnir skilum á gistináttagjaldi og að auki er í þriðju grein kveðið á um að starfsemi sem undanþegin er vsk. sé undanþegin gistináttaskatti.

Það eru engin almenn rök sem styðja við það að rekstraraðilar sem undanþegnir eru vsk. eigi að vera undanþegnir gistináttagjaldi fyrir utan hagkvæmni við uppgjörð sjálft. Samtökin telja eðlilegt og í anda jafnræðis að allir sem selja gistingu greiði gistináttaskatt án nokkurra undanþága. Núverandi fyrirkomulag við skil á gistináttaskatti getur haldið sér fyrir þá sem eru innan vsk. kerfis. Þá telja samtökin að í reglugerð verði skýrt nánar út fyrirkomulag á skilum gistináttagjalds fyrir þá sem reka heimagistingu í samræmi við það sem fram kemur í frumvarpi 457 um breytingu á lögum um veitingastaði, gististaði og skemmtanahald.

Samtökin leggja til að samhliða ofangreindum breytingum verði lögum um gistináttaskatt breytt með eftirfarandi hætti:

- 3. grein falli brott
- 2. málsl. 4 greinar falli brott

Samtökin áskilja sér rétt að koma með frekari athugasemdir á síðari stigum.

Virðingarfyllst
f.h. Samtaka ferðapjónustunnar

Gunnar Valur Sveinsson

Nefndasvið Alþingis
Atvinnuveganefnd
b/t. nefndarritara
Austurstræti 8-10
150 Reykjavík

Reykjavík, 23. maí 2016

Efni: Frumvarp til laga um breytingu á lögum um virðisaukaskatt (758. mál)

Viðskiptaráð þakkar fyrir það tækifæri að fá að veita umsögn um ofangreint frumvarp. Í frumvarpinu eru lagðar fram tvær breytingar, annars vegar hækkun á veltumörkum fyrir þá sem eru undanþegnir virðisaukaskattskyldu og hins vegar hækkun á fjárhæðamörkum uppgjörstímabila. Frumvarpi þessu er ætlað að minnka álag á skattyfirvöld og draga úr reglubyrði smærri aðila með aukna skilvirkni fyrir augum. Viðskiptaráð telur frumvarpið mjög til bóta og vel til þess fallið að ná fram markmiðum sínum.

Samkvæmt lögum um virðisaukaskatt eru þeir sem selja skattskylda vöru eða þjónustu fyrir 1.000.000 kr. eða minna á hverju 12 mánaða tímabili undanþegnir virðisaukaskattskyldu. Í frumvarpi þessu er lagt til að veltumörkin verði hækkuð í 2.000.000 kr. Ákvæði þetta felur í sér töluverða einföldun fyrir lítil fyrirtæki og bætir rekstrarumhverfi þeirra. Með því að hækka veltumörkin njóta fleiri fyrirtæki þess hagræðis sem ákvæðið felur í sér. Hækkun veltumarka úr 1.000.000 kr. í 2.000.000 kr. er einnig hófleg ef lítið er til þess að fjárhæðamörkin hafa staðið óbreytt frá árinu 2011. Þar sem að veltumörkin eru ekki vísitölutengd hvetur Viðskiptaráð til þess að þau verði tekin til endurskoðunar innan fárra ára svo að framangreind markmið frumvarpsins haldist í raun og verði ekki að engu.

Í núgildandi lögum er kveðið á um að ef virðisaukaskattsskyld velta skráningarskyldra aðila sé minni en 3.000.000 kr. á ári sé ráðherra heimilt að kveða í reglugerð á um lengra uppgjörstímabil og annað greiðslufyrirkomulag. Með frumvarpinu er lagt til að fjárhæðamörkin verði hækkuð í 4.000.000 kr. Viðskiptaráð telur þessa breytingu einnig vera til bóta og til þess fallna að einfalda rekstrarumhverfi lítilla fyrirtækja. Viðskiptaráð hvetur jafnframt til þess að ákvæði þetta verði endurskoðað með sömu rökum og að framan greinir.

Viðskiptaráð leggur til að frumvarpið nái fram að ganga.

Virðingarfyllt,


Margrét Berg Sverrisdóttir, lögfræðingur